

Z A P I S N I K
SA XVIII REDOVNE SKUPŠTINE UDRUŽENJA POSLODAVACA FBiH

**koja je održana dana 27.03.2019. godine (srijeda)
sa početkom u 12:00 sati u Hotelu Terme u Sarajevu**

Skupštinu je otvorio zamjenik predsjednika Skupštine, Salem ekmešić i uputio uvodnu riječ dobrodošlice članovima Skupštine.

Također, pozdravio je prisutne goste šefa Delegacije EU u BiH ambasadora Larsa-Gunnara Wigemarka ističući da je njegovo prisustvo Skupštini za poslodavce u Bosni i Hercegovini, od izuzetne važnosti i to doživljamo kao podršku našim zajedničkim naporima da konkretno doprinesemo reformskim procesima u pravcu kreiranja povoljnijeg poslovnog ambijenta i uvjeta za bolji život u našoj Bosni i Hercegovini.

Također pozdravio je i ostale prisutne predsjedavajućeg Zastupničkog doma Parlamenta FBiH Elvira Karajbića, premijera Vlade FBiH Fadila Novalića kao i ministra razvoja, poduzetništva i obrta FBiH Amira Zukića.

Prije nego što se prešlo na radni dio Skupštine, učesnicima se obratio ambasador Lars-Gunnar Wigermark, šef Delegacije Eurpske unije u BiH i premijer Vlade FBiH.

Nakon obraćanja gostiju Predsjednik Skupštine je predložio da se prije usvajanja dnevnog reda izvrši izbor verifikacione komisije.

Za članove komisije predloženi su Zlatan Dedić, predsjedavajući verifikacione komisije, Vesna Smajlović, član i Vedrana Živković, član. Zadatak komisije je da prema listi prisutnih utvrdi da li ima potreban kvorum za rad. Obirom da nije bilo novih prijedloga donesen je sljedeći

ZAKLJUČAK: Prijedlog da Zlatan Dedić, predsjedavajući verifikacione komisije te da Vesna Smajlović i Vedrana Živković budu članovi verifikacione komisije usvojen je jednoglasno. Predsjednik je zamolio predsjedavajućeg verifikacione komisije da izvjesti Skupštinu koliko prisutnih delegata ima na Skupštini.

Prema izvješću verifikacione komisije predsjednik Skupštine je konstatovao da je na Skupštini prisutno 59. delegata. Obzirom da je prema članu 26. Prečišćenog teksta Statuta kvorum za rad 2/3 (najmanje 40) prisutnih članova, konstatovano je da Skupština ima kvorum za rad i da može punovažno odlučivati.

Predsjednik Skupštine je predložio sljedeći:

DNEVNI RED

- 1. Izbor verifikacione komisije, zapisničara i ovjerivača zapisnika;**
- 2. Razmatranje i usvajanje zapisnika sa XVII redovne Skupštine UP FBiH;**
- 3. Razmatranje i usvajanje;**
 - a. Prijedloga Izvještaja o radu UP FBiH za 2018. godinu (izvjestilac: Adnan Smailbegović, predsjednik UO);
 - b. Prijedloga Izvještaj o radu ESV- a za teritoriju FBiH 2018. godinu, (izvjestilac: Adnan Smailbegović, predsjednik UO);
 - c. Prijedloga Finansijskog izvještaja UPFBiH za 2018. godinu, (izvjestilac: Mladen Pandurević, direktor UP FBiH);
 - d. Prijedloga Plana rada UP FBiH za 2019. godinu, (izvjestilac Adnan Smailbegović, predsjednik UO);
 - e. Prijedloga Finansijskog plana UPFBiH za 2019. godinu, (izvjestilac: Mladen Pandurević, direktor UP FBiH);
- 4. Razrješenje dva člana Upravnog odbora i imenovanje dva nova člana UO;**
- 5. Razno**

Predsjedavajući je upoznao delegate da su za sve tačke dnevnog reda dobili materijale i zamolio ih da se izjasne da li prihvataju predloženi dnevni red.

Obzirom da nije bilo primjedbi i novih prijedloga donesen je sljedeći

ZAKLJUČAK: Dnevni red je jednoglasno usvojen.

RASPRAVA PO TAČKAMA DNEVNOG REDA

Tačka 1. Izbor zapisničara i ovjerivača Zapisnika

Predsjednik Skupštine je izvjestio da je predloženo da zapisničar bude Mersiha Jusić, a ovjerivači Zapisnika Amela Hrbat i Jakub Čehajić.

Obzirom da nije bilo primjedbi donesen je sljedeći

ZAKLJUČAK: Prijedlog da zapisničar bude Mersiha Jusić, sekretar UPFBiH, a ovjerivači zapisnika Amela Hrbat i jakub Čehajić usvojen je jednoglasno.

Tačka 2. Razmatranje i usvajanje Zapisnika sa XVII redovne Skupštine UP FBiH

Predsjednik Skupštine je napomenuo da su svi dobili Zapisnik u materijalima i stavio isti na glasanje.

Obzirom da nije bilo primjedbi donesen je sljedeći

ZAKLJUČAK: Zapisnik sa XVII redovne Skupštine UPFBiH usvojen je jednoglasno.

Tačka 3. Razmatranje i usvajanje

a. Prijedloga Izvještaja o radu UPFBiH za 2018. godinu (izvjestioc: Adnan Smailbegović, predsjednik UO)

b. Prijedloga Izvještaja o radu ESV- a za teritoriju FBiH 2018. godinu, (izvjestioc: Adnan Smailbegović, predsjednik UO)

c. Prijedloga Finansijskog izvještaja UPFBiH za 2018. godinu, (izvjestioc: Mladen Pandurević, direktor UP FBiH)

d. Prijedloga Programa rada UPFBiH za 2019. godinu, (izvjestioc Adnan Smailbegović, predsjednik UO)

e. Prijedloga Finansijskog plana UPFBiH za 2019. godinu, (izvjestioc: Mladen Pandurević, direktor UP FBiH)

Predsjedavajući je predložio da podtačke a) do e) razmatraju zajedno, a nakon toga da se izvrši pojedinačno izjašnjavaње o svakoj od njih.

Predsjedavajući je pozvao predsjednika UO Adnana Smailbegovića da izjvesti prisutne o podtačkama a), b) i d).

U svom izvještavanju predsjednik UO UPFBiH Adnan Smailbegović je istakao da je Udruženje svoju cjelokupnu aktivnost u protekloj godini kao i u prethodnim godinama zasnivalo na nastojanjima za ostvarenje sljedećih ciljeva:

- Stvaranje adekvatnog poslovnog ambijenta koji će omogućiti stabilno poslovanje naših članica, razvoj i punu zaposlenost;
- Pобоljšanje postojeće zakonodavne regulative te novih zakonodavnih inicijativa;
- Smanjenje fiskalnih i parafiskalnih nameta poslodavcima;
- Suzbijanje sive ekonomije;
- Aktivno učesće u tripartitnom ekonomskom-socijalnom dijalogu;
- Jačanje materijalnih, kadrovskih i organizacionih kapaciteta Udruženja.

Nabrojao je i neke od najznačajnijih aktivnosti Udruženja u 2019. godini:

- ✚ Pripremili 25 tekstova zakona i izmjena i dopuna zakona
- ✚ Pet zakona ušlo u Parlamentarnu proceduru po skraćenom postupku
- ✚ Uputilo šest inicijativa za direktno uključivanje poslodavaca u izradu i donošenje propisa u FBiH
- ✚ Pojednostavili postupak prijema u radni odnos u javnom sektoru u FBiH
- ✚ Spriječili povećanje cijene električne energije od 30%
- ✚ Spriječili uvođenje obaveze poslodavaca da plaćaju utvrđivanje i postupak revizije radnih mjesta na kojima se staž osiguranja računa sa uvećanim trajanjem
- ✚ Zaustavili povećanje cijene gasa za privredne subjekte
- ✚ Ukinuta naknada za korištenje građevinskog zemljištaNa inicijativu UPFBiH poslodavci oslobođeni od plaćanja uvoznih i izvoznih dažbina
- ✚ Ukinuli obavezu notarske ovjere dokumentacije pri dobivanju ID broja
- ✚ Zaustavili uvođenje novih opterećenja za poslodavce (Zakon o porezu na dohodak i Zakon o doprinosima)
- ✚ Utvrdili 44 nova parafiskalna nameta koji nisu u registru

Što se tiče Izvještaja ESV- a za teritoriju FBiH za 2018. godinu, predsjednik UO UPFBiH Adnan Smailbegović napomenuo je da je u 2018. godini došlo do zastoja u radu Ekonomsko-socijalnog vijeća, te da nije održana nijedna sjednica, iako je Udruženje poslodavaca u FBiH više puta zatražilo održavanje sjednica ESV-a. Također u organizaciji UPFBiH održana je i jedna PRESS Konferencija na temu socijalnog dijaloga i kolektivnog pregovaranja na kojoj je UPFBiH pozvalo socijalne partnere na nastavak socijalnog dijaloga.

Zatim se osvrnuo na prijedlog Programa rada UPFBiH ističući da će Udruženja poslodavaca u 2018. godini svoje aktivnosti usmjeriti na:

Rasterećenje privrede

- ✚ Smanjenje cijene rada
- ✚ Ukidanje parafiskalnih nameta

Poboljšanje poslovnog ambijenta

- ✚ Usvajanje pet zakona po skraćenom postupku
- ✚ Usvajanje 20 zakona koji imaju za cilj rasterećenje privrede
- ✚ Izmjena propisa o PDV-u
- ✚ Izmjene propisa koji imaju za cilj uključivanje socijalnih partnera u izradi i donošenju propisa u FBiH
- ✚ Jačanje socijalnog dijaloga
- ✚ Kolektivno pregovaranje na nivou grana
- ✚ Suzbijanje sive ekonomije
- ✚ Pojednostavljenje administrativnih procedura

Unaprijeđenje rada i imidža UPFBiH

- + Promocija poslodavaca kao najzdravije kategorije društva u BiH
- + Unaprijeđenje rada grupacija
- + Jačanje kadrovskih kapaciteta
- + Otvaranje ureda u Tuzli i Bihaću
- + Formiranje novih grupacija
- + Formiranje ESV-a na kantonima (u kojima nije uspostavljeno ovo vijeće)
- + Promocija korporativnog videa UP FBiH
- + Provođenje kampanje na društvenim mrežama
- + Trajno obezbjeđenje poslovnog prostora
- + Finansijska stabilnost
- + Jačanje PR aktivnosti putem out-sourcinga
- + Poboljšanje postojećih i uvođenje novih usluga članstvu

Jačanje međunarodne saradnje

- + Stvaranje preduslova za pristupanje BusinessEurope
- + Stvaranje preduslova za pristupanje IEO
- + Nastavak dobro uspostavljene saradnje sa ILO
- + Nastavak dobro uspostavljene saradnje sa udruženjima poslodavaca regiona i EU

Nakon što je predsjednik UO UPFBiH završio svoje izlaganje predsjednik Skupštine pozvao je direktora UPFBiH Mladena Pandurevića da izvjesti prisutne o podtačkama c) i e).

Direktor je upoznao članove Skupštine da je prijedlog finansijskog izvještaja javan i transparentan i da se nalazi na web stranici UPFBiH.

Osvrnuo se na prihode i rashode Udruženja u 2018. godini.

Ostvareni prihodi u 2018. godini iznose 511.606,70 KM i prvi put su premašili iznos od 500.00 KM. U odnosu na ostvarene prihode u 2017. godinu su veći za 88.601,70 KM ili 20,95 indexnih poena.

Ostvareni prihodi u 2018. godini u odnosu na Plan 2018. godini su veći za 10.606,70 KM

ili 2,12 indexnih poena. Istaknuo je da su prihodi od članarine u 2018. godine manji za 3.658 KM u odnosu na 2017. godinu a manji za 9.614 KM u odnosu na Plan 2018. god.

U ostale prihode su uračunata sredstva vraćena sa Asocijacije poslodavaca BiH u iznosu 13.300 Km.

Ostvareni rashodi u 2018. godini su 485.558,67 KM i veći su odnosu na 2017. za 123.437,67 KM

ili 34,09 indexnih poena. U odnosu na Plan 2018. godine rashodi su veći za 4.816,67 KM ili 1,00 indexnih poena. Ostvareni rashodi u 2018. godini u odnosu na 2017. su veći zbog većeg iznosa mase sredstava za plaće i ostala primanja zaposlenih, povećanog obima korištenja usluga te po osnovu troškova projekata odnosno donacija humanitarnim organizacijama. Masa sredstava za plaće u 2018.

godini se povećala zbog povratka dvije radnice samporodiljnog odsustva, zbog prelaska jedne radnice iz Asocijacije poslodavaca BiH i prijema radnice u Grupaciju poslodavaca Ze-do kantona. Povećanja troškova usluga je rezultat povećanog obima usluga koje je Udruženje koristilo: advokatskih usluga, pojačanog komuniciranja sa javnošću, usluga novo uspostavljenom uredu

Grupacije poslodavaca Tuzlanskog kantona što je prikazano kroz pozicije autorskih honorara, naknada za povremene poslove ostalih troškova usluga i ostalih rashoda.

Što se tiče finansijskog plana za 2019. godinu istakao je kako je napravljen ambiciozan plan, koji je već početkom godine počeo da se realizira.

Naglasio je da je planirano da se aktivnije radi na naplati članarine kako bi se obezbijedilo dovoljno sredstava za trajno rješenje poslovnog prostora.

Nakon izloženog, Predsjednik Skupštine je otvorio diskusiju. U okviru diskusije nije bilo prijedloga niti primjedbi na materijale za tačke dnevnog reda.

Nakon diskusije predsjedavajući Skupštine je stavio Prijedloge materijala na glasanje i nakon glasanja konstatovao sljedeće:

ZAKLJUČKE:

A.D. 3.a. Izvještaj o radu UPFBiH za 2018. godinu je jednoglasno usvojen u predloženom obliku.

A.D. 3.b. Izvještaj o radu ESV- a za teritoriju FBiH 2018. godinu je jednoglasno usvojen u predloženom obliku.

A.D. 3.c. Finansijski izvještaj UPFBiH za 2018. godinu je jednoglasno usvojen u predloženom obliku.

A.D. 3.d. Program rada UPFBiH za 2019. godinu je jednoglasno usvojen u predloženom obliku.

A.D. 3.e. Finansijski plan za 2019. godinu je jednoglasno usvojen u predloženom obliku.

Tačka 4. . Razrješenje dva člana Upravnog odbora i imenovanje dva nova člana UO;

Vezano za ovu tačku dnevnog reda Predsjednik je zamolio sekretara UPFBiH Mersihu Jusić da izvjesti prisutne po ovoj tački dnevnog reda.

Na osnovu člana 31. Prečišćenog teksta Statuta UO UPFBiH predlaže se izbor i imenovanje novih članova Upravnog odbora. Razlozi za imenovanje novih članova Upravnog odbora su u skladu sa članovima 33. i članovima 29. Prečišćenog teksta Statuta. Shodno navedenom predlaže se imenovanje novih članova umjesto:

- Umjesto Enise Bekto, član UO sa područja Bosansko podrinjskog kantona da se imenuje Šejla Bojadžija;

Dosadašnju funkciju člana Upravnog odbora UP FBiH obavljala je Enisa Bekto, direktorica Bekto Precisa Goražda. Iz Kompanije Emka Bekto su nas obavijestili da Enisa Bekto zbog reorganizacije poslovanja kompanije ne obavlja više funkciju direktorice. Obzirom da novi direktor nije prihvatio kandidaturu za člana UO, potrebno je imenovati osobu iz druge kompanije za člana upravnog odbora UPFBiH. Za novog člana Upravnog odbora UP FBiH predložena je Šejla Bojadžija, koja obavlja funkciju direktorice firme MLIN „Ustikolina“ d.d. Ustikolina.

Imajući u vidu da je dotadašnji član Upravnog odbora bila predstavnik kompanije iz Bosansko podrinjskog kantona vodilo se računa o tome da se za novog člana imenuje predstavnik kompanije iz istog kantona, a u skladu sa članom 30. Prečišćenog teksta Statuta UP FBiH.

- Umjesto Izeta Imamovića, predstavnik Fabrike Cementa Lukavac Stjepan Kumrić; Dosadašnju funkciju člana UO UPFBiH je u skladu sa članom 29. stav 3. Prečišćenog teksta Statuta obavljao Izet Imamović, direktor Fabrike cementa Lukavac. Obzirom da Izet Imamović ne obnaša više funkciju direktora FCL, te shodno tome ne ispunjava uslove predviđene članom 29. stav 3. Prečišćenog teksta Statuta, Skupština je razriješila Izeta Imamovića sa dužnosti obavljanja funkcije člana Upravnog odbora UP FBiH. Za novog člana Upravnog odbora UP FBiH ispred kompanije Fabrike cementa Lukavac imenuje se Stjepan Kumrić, koji obavlja funkciju predsjedavajućeg Uprave FCL i shodno tome ispunjava Statutom predviđene uslove.

Obzirom da nije bilo novih prijedloga donesen je sljedeći:

A.D. 4. Jednoglasno su usvojene Odluke da se za dva člana UO imenuje Šejla Bojadžija i Stjepan Kumrić je jednoglasno usvojen.

Tačka 6. Razno

Po ovoj tački dnevnog reda nije bilo diskusije.

Sjednica je završena u 14:30h.

Zapisnik sačinila

Mersiha Jusić

Ovjerivači Zapisnika

Amela Hrbat

Jakub Čehajić

Predsjedavajući Skupštine

Salem Ekmešćić